

CUSSEGL GROND

Sessiun d'october 2023

Dumonda Mazzetta concernent l'introducziun d'in «check climatic» sco criteri da decisiun

En la votaziun dal pievel dals 18 da zercladur 2023 è vegnida acceptada la Lescha davart il clima e l'innovaziun. La nova lescha entra previsiblmain en vigur il 1. da schaner 2025. La finamira centrala da la lescha è quella da cuntanscher netto nulla emissiuns fin l'onn 2050. La lescha cuntegna valurs directivas per ils secturs edifizis, traffic ed industria e prescriba, che tut las interpresas stoppian avoir netto nulla emissiuns fin il pli tard l'onn 2050. Per l'administraziun federala centrala duai questa finamira esser cuntanschida gia l'onn 2040. En l'art. 12 al. 1 statti plinavant, che auters relaschs sin plaun federal, dentant er sin plaun chantunal, stoppian vegnir concepids ed applitgads uschia, ch'els gidan a cuntanscher questa finamira. Menziunads vegnan cunzunt secturs sco CO₂, ambient, energia, planisaziun dal territori, economia da finanzas, da terren, da guaud e da laina, traffic sin via e traffic aviatic sco er ina imposiziun da taglia sin ielis minerals. En la gronda part da quests secturs existan er relaschs chantunals.

Cun il Green Deal ha il Cussegl grond concludì la finamira netto nulla er per il Grischun. Adattaziuns da la legislaziun vegnan actualmain examinadas. I n'è betg cler, quant fitg che la Lescha davart il clima e l'innovaziun pretenda ulteriuras adattaziuns da leschas, per che las finamiras intermediaras e la finamira netto nulla possian vegnir cuntanschidas l'onn 2050. Impurtant èsi dentant er, ch'i vegnia controllà a chaschun da mintga decisiun statala sco per exempel a chaschun da novas leschas, investiziuns e perscrutaziuns statalas, che la finamira netto nulla vegnia cuntanschida. Da medema maniera sco che la Regenza inditgescha oz en ils projects – sin basa da l'art. 38 da l'Ordinaziun da finanzas (OFC, DG 710.110) – las consequenzas persunalas e finanzialas, duess ella suttametter las decisiuns statalas er ad in «check climatic». Per exempel pudess la Regenza inditgar las emissiuns che vegnan spetgadas en CO₂eq, faschond atenziun ch'ils custs supplementars restian uschè pitschens sco pussaivel per l'administraziun. La Regenza ha gia introducì in instrument facultativ per valitar la persistenza da projects da l'administraziun chantunala. Sche quest instrument vegn cumpletà cun il check climatic, resulta in instrument unitar che focussescha e minimescha ils custs administrativs da l'administraziun.

Las sutsegnadras ed ils sutsegnaders vulessan savair il suandant da la Regenza:

1. Co vegn la Regenza a resguardar las pretensiuns da la Lescha davart il clima e l'innovaziun cura ch'ella suttametta las leschas ad in'examinaziun per il Green Deal II?
2. Sustegna la Regenza la validaziun, ch'in «check climatic» stuess daventar il criteri da decisiun en cas da projects da lescha, d'investiziuns e da promoziuns statalas?
3. È la Regenza pronta d'examinar l'introducziun d'in tal «check climatic»?
4. Quant consequentamain vegn applitgada la validaziun facultativa da la persistenza da projects da l'administraziun chantunala?
5. Co vegni dà paisa a las trais dimensiuns da la persistenza, dals fatgs socials/da la societad, da l'economia e da l'ecologia tar publicaziuns uffizialas validà en pertschients, e co è la paisa minimala e maximala sco er il median da l'ecologia?

Cuira, ils 18 d'october 2023

Mazzetta, Danuser (Cuira), Said Bucher, Bachmann, Bardill, Baselgia, Bavier, Beeli, Bergamin, Biert, Bischof, Bisculm Jörg, Bleuler-Jenny, Cahenzli-Philipp, Danuser (Cazas), Degiacomi, Dietrich, Furger, Gansner, Gartmann-Albin, Gianelli, Gredig, Hoch, Kaiser, Kappeler, Kreiliger, Müller, Negretti, Nicolay (Bever), Oesch, Preisig, Rageth, Rettich, Rusch Nigg, Rutishauser, Saratz Cazin, Walser, Wieland, Zanetti (Sent)